

XEFATURA DO ESTADO

5833 *REAL DECRETO LEI 6/2005, do 8 de abril, polo que se establece a aplicación do Real decreto lei 1/2005, do 4 de febreiro, polo que se adoptan medidas urxentes para paliar os danos ocasionados no sector agrario polas xeadas acaecidas no mes de xaneiro de 2005, aos danos ocasionados polas xeadas acaecidas durante os meses de febreiro e marzo de 2005.* («BOE» 87, do 12-4-2005.)

A repetición, ao longo do mes de febreiro e dos primeiros días do mes de marzo de 2005, de baixas temperaturas persistentes que viñeron incrementar os danos ocasionados no sector agrario polas xeadas dos derradeiros días do mes de xaneiro de 2005 fai necesario que se tome en consideración un novo ámbito temporal que preveña tamén os efectos desta adversidade climática durante os meses de febreiro e marzo de 2005.

A magnitude dos danos producidos, a imposibilidade de os diferenciar nas zonas e cultivos que sufriron as xeadas nos meses de xaneiro, febreiro e marzo e a necesidade dunha actuación pública inmediata, coherente e comprensiva de todas as perdas ocasionadas, xustifican o recurso ao real decreto lei para a adopción de medidas paliativas tendentes ao restablecemento gradual da normalidade económica nas zonas afectadas.

Na súa virtude, en uso da autorización contida no artigo 86 da Constitución, por proposta da vicepresidenta primeira do Goberno e ministra da Presidencia, do vicepresidente segundo do Goberno e ministro de Economía e Facenda e dos ministros de Traballo e Asuntos Sociais e de Agricultura, Pesca e Alimentación, e logo de deliberación do Consello de Ministros na súa reunión do día 8 de abril de 2005,

DISPÓN O:

Artigo único. *Extensión do ámbito de aplicación do Real decreto lei 1/2005, do 4 de febreiro.*

O Real decreto lei 1/2005, do 4 de febreiro, polo que se adoptan medidas urxentes para paliar os danos ocasionados no sector agrario polas xeadas acaecidas no mes de xaneiro de 2005, será de aplicación aos danos ocasionados polas xeadas que tiveron lugar durante os meses de febreiro e marzo de 2005.

Disposición derradeira única. *Entrada en vigor.*

Este real decreto lei entrará en vigor o mesmo día da súa publicación no «Boletín Oficial del Estado».

Dado en Madrid o 8 de abril de 2005.

JUAN CARLOS R.

O presidente do Goberno,
JOSÉ LUIS RODRÍGUEZ ZAPATERO

5835 *CORRECCIÓN de erros da Lei orgánica 1/2004, do 28 de decembro, de medidas de protección integral contra a violencia de xénero.* («BOE» 87, do 12-4-2005.)

Advertidos erros na Lei orgánica 1/2004, do 28 de decembro, de medidas de protección integral contra a violencia de xénero, publicada no «Boletín Oficial del Estado», suplemento número 1 en lingua galega, do 1 de xaneiro de 2005, procédese a efectuar as oportunas rectificacións:

Na páxina 174, primeira columna, na exposición de motivos, na epígrafe III, parágrafo vixésimo primeiro, segunda e terceira liñas, onde di: «.xuíz de violencia de xénero,», debe dicir: «.xuíz de Violencia sobre a Muller,».

Na páxina 174, primeira columna, na exposición de motivos, na epígrafe III, parágrafo vixésimo primeiro, oitava liña, onde di: «.(artigo 544 bis LACrim, introducido pola LO 14/1999).», debe dicir: «.(artigo 544 bis da Lei de axuízamento criminal, introducido pola Lei orgánica 14/1999, do 9 de xuño, de modificación do Código penal de 1995, en materia de protección ás vítimas de malos tratos e da Lei de axuízamento criminal).».

Na páxina 174, primeira columna, na exposición de motivos, na epígrafe III, parágrafo vixésimo primeiro, antepenúltima liña, onde di: «.(introducido pola LO 11/1999).», debe dicir: «.(modificado pola Lei orgánica 15/2003, do 25 de novembro, pola que se modifica a Lei orgánica 10/1995, do 23 de novembro, do Código penal).».

Na páxina 174, segunda columna, na exposición de motivos, na epígrafe III, parágrafo vixésimo segundo, undécima liña, onde di: «xulgados de Violencia de Xénero,», debe dicir: «xulgados de Violencia sobre a Muller,».

Na páxina 180, segunda columna, no artigo 37, na penúltima liña dos números 1 e 2 do artigo 153 do Código penal modificado, onde di: «.de patria potestade.», debe dicir: «.da patria potestade.».

Na páxina 181, primeira columna, no artigo 38, no número 5 do artigo 171 do Código penal modificado, na sexta liña, onde di: «.traballos en beneficios.», debe dicir: «.traballos en beneficio.».

Na páxina 181, primeira columna, no artigo 39, no terceiro parágrafo do número 2 do artigo 172 do Código penal modificado, onde di: «., ou se realícen.», debe dicir: «., ou se realice.».

Na páxina 183, segunda columna, no artigo 54, onde di: «Engádese un novo artigo 779 bis na Lei de axuízamento criminal.», debe dicir: «Engádese un novo artigo 797 bis na Lei de axuízamento criminal.».

Na páxina 184, primeira columna, no artigo 57, nos números 1, 2 e 3 do artigo 49 bis da Lei 1/2000, do 7 de xaneiro, de axuízamento civil, que se engade, onde di: «.parágrafo terceiro do artigo 87 ter da Lei orgánica do poder xudicial,», debe dicir: «.número 3 do artigo 87 ter da Lei orgánica do poder xudicial,».

Na páxina 187, primeira columna, no artigo 72, onde di: «Engádese un número 6 ao artigo 22 da Lei 50/1981, do 30 de decembro, reguladora do Estatuto orgánico do Ministerio Fiscal, que queda redactado da seguinte forma:», debe dicir: «Dáselle unha nova redacción ao número 5 do artigo 22 da Lei 50/1981, do 30 de decembro, reguladora do Estatuto orgánico do Ministerio Fiscal, que queda redactado da seguinte forma:».

Na páxina 191, primeira columna, na disposición adicional novena.un, no número 3 do artigo 1 da Lei 30/1984, do 2 de agosto, que se modifica, onde di: «.e i); 2 e 3; 21;», debe dicir: «.e i), 2 e 3; 21;».

Na páxina 191, primeira columna, na disposición adicional novena.dous, o número 3 do artigo 17 da Lei 30/1984, do 2 de agosto, que se modifica, onde di: «.terase

especial consideración cos casos.», debe dicir: «.terán especial consideración os casos.».

Na páxina 192, primeira columna, na disposición adicional décimo cuarta, onde di: «.a Lei 21/2001, do 27 de decembro,», debe dicir: «.a Lei 21/2001, do 27 de decembro, pola que se regulan as medidas fiscais e administrativas do novo sistema de financiamento das comunidades autónomas de réxime común e cidades con estatuto de autonomía,». E onde di: «.Ministerio de Facenda.», debe dicir: «.Ministerio de Economía e Facenda.».

Na páxina 193, segunda columna, na disposición derradeira quinta, onde di: «No mesmo prazo procederá a modificar o Real decreto 738/1997, do 23 de maio, e o Real decreto 996/2003, do 25 de xullo», debe dicir: «No mesmo prazo procederá a modificar o Real decreto 738/1997, do 23 de maio, polo que se aproba o Regulamento de axudas ás vítimas de delitos violentos e contra a liberdade sexual, e o Real decreto 996/2003, do 25 de xullo, polo que se aproba o Regulamento de asistencia xurídica gratuita.».

Nas páxinas 194 e 195, no anexo, deben suprimirse as referencias ao partido xudicial número 12 da provincia de Cádiz e ao partido xudicial número 8 da provincia de Málaga.

MINISTERIO DE AGRICULTURA, PESCA E ALIMENTACIÓN

6121 *ORDE APA/990/2005, do 14 de abril, pola que se establecen medidas específicas de protección en relación coa lingua azul.* («BOE» 91, do 16-4-2005.)

A lingua azul ou febre catarral ovina é unha enfermidade incluída no Código Zoonosanitario Internacional da Organización Mundial da Sanidade Animal (OIE) e na lista de enfermidades de declaración obrigatoria da Unión Europea. As medidas específicas de loita contra a enfermidade están reguladas polo Real decreto 1228/2001, do 8 de novembro, polo que se establecen medidas específicas de loita e erradicación da febre catarral ovina ou lingua azul.

O 13 de outubro de 2004, o programa de vixilancia da lingua azul previsto no artigo 11.1 b) do Real decreto 1228/2001, do 8 de novembro, aplicado pola Comunidade Autónoma de Andalucía, puxo de manifesto a circulación do virus da lingua azul na parte oriental da provincia de Cádiz. As medidas de protección a nivel comunitario foron adoptadas mediante a Decisión 2004/695/CE, da Comisión, do 14 de outubro de 2004, relativa a determinadas medidas de protección contra a febre catarral ovina ou lingua azul en España, e posteriormente mediante a Decisión 2005/138/CE, da Comisión, do 16 de febreiro de 2005, pola que se modifica a Decisión 2003/828/CE no que respecta aos traslados de animais dentro dunha zona restrinxida de España e Portugal, e a partir dela, en relación cos abrochos de febre catarral ovina nos devanditos Estados membros. Esta decisión foi posteriormente modificada co fin de permitir certos movementos domésticos, baseado nun cesamento temporal da actividade do vector transmisor da lingua azul, mediante a Decisión 2005/216/CE, da Comisión, do 9 de marzo de 2005. Posteriormente, o Comité Permanente da Cadea Alimentaria e da Sanidade Animal da Unión Europea emitiu informe favorable sobre unha proposta de decisión da Comisión Europea

pola que modifica a devandita normativa para establecer requisitos específicos para o movemento, desde zona restrinxida, de ovinos menores de dous meses de idade nados de femias vacinadas.

De acordo coa Lei 8/2003, do 24 de abril, de sanidade animal, e sen prexuízo das medidas adoptadas pola Comisión Europea, mediante a Orde APA/3411/2004, do 22 de outubro, establecéronse medidas específicas de carácter urxente respecto da lingua azul, ante a súa aparición no territorio peninsular español. Estas medidas foron posteriormente modificadas, á vista da evolución da enfermidade, e seguindo o criterio ao respecto do grupo de expertos previsto no Plan de Intervención a que se refire a disposición adicional única do Real decreto 1228/2001, do 8 de novembro, polo que se establecen medidas específicas de loita e erradicación da febre catarral ovina ou lingua azul, mediante sucesivas ordes ministeriais, sendo a última a Orde APA/778/2005, do 30 de marzo, pola que se modifica a Orde APA/345/2005, do 9 de febreiro, pola que se establecen medidas específicas de protección en relación coa lingua azul, e se prorroga a súa vixencia ata o 15 de abril de 2005 incluído. Unha vez analizados os datos obtidos co Programa nacional de vixilancia entomolóxica e serolóxica, e os datos históricos, xa non concorren as circunstancias que posibilitan un réxime de movementos específico para as zonas estacionalmente libres, polo que procede a publicación dunha nova orde en que se establezan as medidas que se vaian aplicar fronte á lingua azul.

Con base na situación epidemiolóxica na zona restrinxida en España pola lingua azul, e debido á dificultade de manexo das reses de lida, faise necesario implantar un control sanitario específico para as devanditas reses cando se destinen a espectáculos taurinos, que garanta que a enfermidade non se transmite ao resto do territorio, en función do tipo de espectáculo e de acordo coa avaliación e xestión de risco que leven a cabo as autoridades sanitarias competentes segundo o establecido na presente orde.

Na súa virtude, e ao abeiro do establecido no artigo 8 da Lei de sanidade animal, e na disposición derradeira segunda do Real decreto 1228/2001, do 8 de novembro, dispoño:

Artigo 1. *Obxecto e ámbito de aplicación.*

O obxecto da presente orde é establecer medidas específicas de protección contra a lingua azul, de aplicación a todo o territorio nacional.

Artigo 2. *Definicións.*

Para os efectos desta orde serán de aplicación, ademais das definicións previstas nos artigos 3 da Lei 8/2003, do 24 de abril, de sanidade animal, 2 do Real decreto 1228/2001, do 8 de novembro, polo que se establecen medidas específicas de loita e erradicación da febre catarral ovina ou lingua azul, e 2 a) do Real decreto 1939/2004, do 27 de setembro, polo que se regula a cualificación sanitaria das gandarías de reses de lida e o movemento dos animais pertencentes a estas, as seguintes:

a) Zona restrinxida: a Comunidade Autónoma de Illes Balears, a Comunidade Autónoma de Extremadura, as cidades autónomas de Ceuta e Melilla e as seguintes provincias ou comarcas veterinarias:

Na Comunidade Autónoma de Andalucía, as provincias de Cádiz, Málaga, Huelva, Sevilla e Córdoba e as comarcas veterinarias de Jaén e Andújar na provincia de Jaén.

Na Comunidade Autónoma de Castilla-La Mancha, as comarcas veterinarias de Oropesa, Belvís de la Jara, Talavera de la Reina e Los Navalmorales, da provincia de